

REFERAT MAA - Meeqqanut Atuarfeqarnermullu Ataatsimiititaq d. 25-10-2023

Mødedato Onsdag d. 25. oktober 2023 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqa.....	3
Oqaluuserisassat akuerineqarneri.....	4
Nalunaarutit.....	5
Sulisut amerlassusissaasa ikinnerpaaffissaat eqqarsaatigalugit ulluunerani neqeroorutini sulisut pilli	6
Meeqquvinni utaqquisut pillugit ilisimatitsissut 2023-mi kvartalit pingajuat.....	12
Kangillinnguit Atuarfianni nakkutilliinermi nalunaarusiaq.....	16
Sunngiffimmi atuartsineq 2023-2024.....	20
Paamiuni meeqquvinni sulisunik piginnaanngorsaqquineq pillugu siunnersuut.....	23
Lukket.....	26
Taasariaqartut allat.....	27
Imaqarniliap akuerineqarnera.....	28

Punkt .: Saqqaa

Ilaasortat:

Juaaka Lyberth (IA) Formand

Poul Petersen (D)

Charlotte Ludvigsen (IA)

Dorthe-Marie Mogensen-Fontain (S)

Emanuel Nûko (N)

Beslutning

Ataatsimeeqataasut:

Juaaka Lyberth (IA)

Poul Petersen (IA)

Naya Sophia Pedersen Lyberth (IA) supplenat for Charlotte Ludvigsen (IA)

Oqarasuaatsikkut:

Dorthe-Marie Mogensen-Fontain (S)

Ataatsimeeqataasinnaanatik nalunaartut :

Charlotte Ludvigsen (IA)

Emanuel Nûko (N)

Punkt .: Oqaluserisassat akuerineqarneri

Beslutning

Oqaluserisassat akuersissutigineqarput.

Punkt .: Nalunaarutit

Siulittaasumiit nalunaarutit
Ingerlatsivimmiit nalunaarutit

Beslutning

Ataatsimiititap siulittaasuata nalunaarutai

- Meeqqanut Atuarfeqarnermullu Ingerlatsivik atuarfik pillugu workshopertitsinermut peqataavoq, Namminersorlutik Oqartussat aqqissugaanut, nuna tamakkerlugu ilinniartitaanermut periusissiassap suliarineqarneranut atatillugu. Tassani ilaatigut klassit inuussutissarsiornermik sammisaqartut pillugit isumassarsianik saqqummiussisoqarpoq, atuarfiit meeqqanik atuartitsinissamut piareersimasut kommunip meeqqat pillugit isiginnittaasianut naleqquttut aammalu ilinniartitsisut immikkut atuartitsineq pillugu ilinniartitaanerannik pisariaqartitsineq.
- Ulluunerani paaqqinnittarfimmut nutaamut matuersaatit ataasinnngormat tunniunneqarput maannalu pequtinik ikkussuineq aamma nerisassanik, nangernik, pinngussanik il.il. pisiniarneq aallartippoq. Naatsorsuutigineqarpoq meeqqat Amaut-miittartut novembarip ulluisa 20-iata missaanni nutsissasut aammalu meeqqat nutaat utaqqisut allattorsimaffianni allatsissimasut decembarip ulluisa aallaqqaataanni allatsissinnaalissasut. Atissaa kingusinnerusukkut tamanut nalunaarutigineqarumaarpoq.

Punkt 1: Sulisut amerlassusissaasa ikinnerpaaffissaat eqqarsaatigalugit ulluunerani neqeroorutini sulisut pillugit takussutissaq

Beslutning

Ilisimatitsissut tusaatissatut tiguneqarpoq.

Sulisut amerlassusissaasa ikinnerpaaffissaat eqqarsaatigalugit ulluunerani neqeroorutini sulisut pillugit takussutissaq

Ilisimatitsissut

SagsID.: EMN-2023-03836

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Atuarfeqarnermullu Ataatsimiititamat inassuteqaatigineqarpoq:

- ilisimatitsissut tusaatissatut tiguneqassasoq

Suliamik saqqummiineq

Ulluunerani neqeroorutini sulisut piukkunnaatillit ilinniarsimasullu atorfinitsinneqarnissaat sulisoriinnarnissaallu Kommuneqarfik Sermersuumit annertuumik suliniutigineqarpoq. Suliassaqarfik pingaarneq taanna immikkut pingaaruteqarpoq pissutigalugu piffissami sivisuumi aamma suli suliassaqarfimmut ilinniarsimasunik ilinniarsimangitsunillu sulisussarsiorneq annertuumik ajornartorsiutaamat. Ajornartorsiut Kommuneqarfik Sermersuumi illoqarfinni nunaqarfinnilu, aammali nuna tamakkerlugu atuuppoq.

Taamaamat killiffik Meeqqanut Atuarfeqarnermullu Ingerlatsivimmit malinnaaffigeqqissaarneqarpoq ulluuneranilu neqeroorutit pillugit inatsimmi sulisut amerlassusissaasa ikinnerpaaffissaat eqqarsaatigalugit kommunip meeqqeriviini sulisut amerlassusaat ataavartumik naatsorsorneqartarlutik. Taamaaliortoqarporlu atorfinitsitsisarnermut sulisoriinnarnissaannullu suliniut iluatsiffeqarnersoq takuniarlugu.

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersumi § 20 naapertorlugu ikinnerpaamik meeqqerivimmi perorsaasoq ataaseq, perorsaanermik ilinniarsimasoq ataaseq kiisalu ikiorti ataaseq sulisorineqassapput. Perorsaanermik ilinniarsimasut tassaasinnaapput isumaginninnermi ikiorti, meeqqanut ikiortit, socialmedhjælperit imaluunniit isumaginninnermi peqqissutsimiluunniit ikiortit. Ikiortit amerlasuutigit ilinniarsimasuunngillat. Suliffimmik misiliisut, taartaasut aamma tapersersortit meeqqerivimmilu aqutsisut kiisalu eqqiaasut igaffimmiullu inini sulisut amerlassusaannut ilaatinneqanngillat.

Ingerlatsivimmit 2022-mi kvartalit sisamaannilli kommunip meeqqeriviutaani sulisut amerlassusissaasa ikinnerpaaffissaat najoqqutaralugit sulisut amerlassusaat qaammatikkaartumik malinnaaffigineqalerput. Matumani siunertaalluni meeqqerivinni ataasiakkaani sulisoqarniarnikkut qanoq ingerlasoqarnera ukkatariumallugu, aammalu meeqqeriviit ilaat immikkut sulisussarsinissaq pillugu unammilligassaqarnerisut.

2023-mi kvartalit pingajuanni meeqqeriveqarfimmi sulisut amerlassusaasa takussutissartaat 2021-mi kvartalit sisamaanniit 2023-mi kvartalit pingajuata tungaanut kommunip meeqqeriviini sulisut amerlassusaat kiisalu sulisut ikinnerpaaffissaasa takussutissartaat tabel 1-imi takuneqarsinnaapput. Suleqatigiiaat pingasut amerlassusaat taakkulu ikinnerpaaffissaasa akornanni tabelikkut oqimaaqatigiisinnerqarnerat takuneqarsinnaavoq. Atorfeqartut sulisullu amerlassusissaasa ikinnerpaaffissaata akornanni oqimaaqatigiittoqanngippat suleqatigiiaat akornanni atorfeqarsimassaaq naatsorsuinerup nalaani inuttaqarsimangitsunik. Tabelimi oqimaaqatigiisitsinerup nalaani allaqqavoq naatsorsuinerup nalaani atorfiit inuttallit qanoq amerlatigisut procentinngorlugit.

Atorfiit inuttaqanngitsut tassaakajuttarput, naatsorsuinerup nalaani inuttassarsiorneqaleqqammisut imaluunniit piffissami sivisunerusumi inuttassarsiuunneqartut. Taamaattumik atorfik qanoq sivisutigisumik inuttaqarsimanngitsoq takussutissiamit tassangaanniit takuneqarsinnaanngilaq. Takussutissiap atuernerani atorfiit inuttaqannginneri atorfiit pineqartut inuttaqannginnerinut, imaluunniit taakkunani atorfeqartoqannginneranut takussutissaanngitsoq maluginiaqquneqarpoq. Tamanna tunngavigalugu ulluunerani paaqqinnittarfinni ataasiakkaani taartaasartumik, perorsaasutut ilinniarsimanngitsumik perorsaasutut atorfinitsitsisoqartarsimasinnaavoq. Naak taamatut ingerlatsineq naleqquttuunngikkaluarluni, ulluunerani paaqqinnittarfinni ataasiakkaani aqutsisunut pisariaqarsinnaavoq. Tamanna annermik piffissami sivisunerusumi atorfiup ataatsip arlallilluunniit inuttalernissaat ajornakusoorsimappat, kiisalu atorfiup sulisumik, eqqortunik suliatigut piginnaasalimmik inuttalernerqarnissaata tungaanut pigajuttarpoq.

Tabel 1-mi takuneqarsinnaavoq suleqatigiiaani perorsaasut atorfiit inuttaqanngitsut amerlanerpaajusut.

Tabel 1: Kommuneqarfik Sermersuumi ulluunerani neqeroorutini sulisut amerlassusissaasa ikinnerpaaffissaat najoqqutaralugit sulisut amerlassusaannik takussutissiaq¹ (4 kvartali 2021 - 3 kvartali 2023)

	Kvartalit sisamaat 2021	Kvartalit pingajuat 2022	Kvartalit pingajuat 2023
Suleqatigiiaat tamakkerlugit			
Sulisut	237	229	229
Amerlassusiligaaneq	297	315	315
Oqimaaqatigiissaarineq (Balance)	-60	-86	-86
Perorsaasut			
Sulisut	60	59	52
Amerlassusiligaaneq	99	105	105
Oqimaaqatigiissaarineq (Balance)	-39	-46	-53
Atorfiit inuttaqartut %-inngorlugit	61%	56%	50%
Perorsaanermik ilinniarsimasut			
Sulisut	80	83	80
Amerlassusiligaaneq	99	105	105
Oqimaaqatigiissaarineq (Balance)	-19	-22	-25
Atorfiit inuttaqartut %-inngorlugit	81%	79%	76%
Ikiortit			
Sulisut	97	87	97
Amerlassusiligaaneq	99	105	105
Oqimaaqatigiissaarineq (Balance)	-2	-18	-8
Atorfiit inuttaqartut %-inngorlugit	98%	83%	92%

1) *Tabelimi ulluunerani neqeroorutit pineqartut tassaapput meeraaqqeriviit, meeqqeriviit aamma akuleriinnut meeqqeriviit, matumanilu angerlarsimaffinni paarsisut nunaqarfinnilu neqeroorutit ilaatinneqanngillat. Takussutissiami perorsaasut, perorsaanermik ilinniarsimasut aamma ikiortit ataatsimoorullugit kiisalu suleqatigiiaat pingasut immikkoortillugit agguataarneqarput. Tabelimittaaq allaqqavoq 2022-mi kvartalit pingajuannit sulisut amerlassusissaat katillugit sulisunik 18-inik amerleriarsimasut. Tamanna Nuummi akuleriinnut meeqqeriviup Maligiap ammarneqarneranik peqquteqarpoq.*

Ingerlatsiviup naliliinera

2021-miilli ingerlatsiviup kvartalikkuaartumik naatsorsuisalerneranit takuneqarsinnaavoq ingammik perorsaasut atorfillit amerlassusaat ikileriarsimasut. Meeqquerivik nutaaq 2023 naalernerani ammarneqarpat perorsaasutut atorfiit amerleriaqqinnerinik kinguneqassaaq. Pilersaarutaavorli meeraaqquerivik Amaut matuneqassasoq meeqqeriviup nutaap ammarnerani. Amaut pingasunik initaqarpoq meeqqerivillu nutaaq arfinilinnik initaqarluni. Taamaalilluni ininik nutaanik pingasunik peqalissalluni.

Aappaatigut sulisussarsiniarneq sulisunillu tigumminninnissaq nukittorsarniarlugu iliuitsit aallartinneqarsimasut ingerlatsivimmit ingammik perorsaasut ikinnerunerannut sunniutaa apeqquserneqarpoq. Tassunga tunngatillugu ingerlatsivimmit nalilersuinissamut tunngavissaqarnerisooq, taakkua nalimmassarnissaannut, imaluunniit tamanna eqqarsaatigalugu nutaamik iliuseqartoqassanersoq pillugu piffissap takutikkumaarpaa.

Aappaatigullu Ingerlatsiviup, meeqqeriveqarnerup tungaatigut sulisussarsiniarnermi ajornartorsiummik aqqiiniarnermi, sakkussanik atorineqarsinnaagaluartunik, kommunilli toqqaannartumik sunniuteqarfigisinnaanngisaanik peqarsinnaasartoq erseqqissarusuppaa. Tamanna ilaatigut ulluunerani paaqqinnittarfinni akissarsianut, perorsaanermik ilinniarfimmil ilinniartut ilinniarnissaminnut akuerineqartartut amerlassusaannut, imaluunniit ilinniarnermik attassisut naammassinnittartulluunniit procentiinut tunngasinnaavoq.

Sulisussarsiorneq sulisunillu attassinissamik annertusaanissamut suliniutit

Meeqqanut Atuarfeqarnermullu Ingerlatsivimmit ulluunerani neqeroorutini suliassaqarfimmi sulisussarsiorneq sulisunillu attassiinnarnissaq suliniutit pingaartinneqartut ilagaat, aammalu ulluunerani neqeroorutinit suliassaqarfimmi immikkoortumut pilersaarummi 2022-2030 qitiusutut suliniutit inissisimasooq. Tulliuttuni ingerlatsivimmit ulluunerani neqeroorutinit sulisussarsiorneq sulisunillu tigumminniinnarnissaq annertusarniarlugu ingerlatsivimmit iliuserineqartut naatsumik tigulaariffigalugit allaaserineqarput.

Sulisunik aqutsisunillu piginnaasatigut qaffassaanerit

Aqutsinermut tunngatillugu ulluunerani neqeroorutini aqutsisut 2022-mi aqutsisutut PI/SPS-imi piginnaasanik ineriartortitsinermut pikkorissarnermik neqeroorfigineqarnikuupput, sulisunik peqataalersitsineq pitsaasoq, sulisunik attassiinnarnissaq, suliffimmut ilisaritsineq kiisalu aqutsisutut pingaartitat pillugit. Kommuneqarfik Sermersuumi 2023-mi novembarimit ilaatigut Paamiuni aamma Tasiilami ulluunerani neqeroorutini aqutsisunut pikkorissartitsinermi aqutsisutut ineriartortitsinermut modulit marluk ingerlanneqartussaapput. Uani siunertarineqarpoq, ulluunerani neqeroorutini aqutsisut ilinniartinneqarnerminni namminneq aqutseriaatsiminnik, aqutseriaatsit assigiinngitsut aqqutigalugit, pissusilersuutinik, suleqatigiiaani sulinermik, attaveqatigiittarnermik aamma pitsaasumik aqutsineq aqqutigalugit ilisimaarisaqalernissaat anguniarlugu. Modulini taakkunani Nuummi 2024-mi marsimit ulluunerani neqeroorutini aqutsisut ilinniartinneqassapput.

Kommunip pisariaqartitai aallaavigalugit najugaq qimannagu imaluunniit eqaatsumik ilinniagaqarnissamut periarfissaq atorlugu ilinniakkamik ingerlatsisinnaaneq pillugu ingerlatsiviup PI/SPS oqaloqatigisarpaa. Taamatut iliortoqarpoq sulisut ilinniarsimanngitsut amerlanerusut najugaq qimannagu ilinniagaqarnissaat anguniarlugu. Tamanna aamma kommunip kissaataanut atuuppoq, sulisut ilinniagaqareersimasut atorfeqartinneqartut, piginnaanngorsarnissaat imaluunniit najugaq qimannagu ilinniaqqinnissaat, suliffimminnut atassuteqarnertik pigiinnarlugu.

Aammattaaq assersuutigalugu oktobarimi 2023 ulluunerani neqeroorutini ikiortitut sulisut, najugaq qimannagu Nuummi Tasiilamilu ilinniartut holdit marluk allagartartaassapput. Ulluunerani neqeroorutini ikiortitut sulisut najugaq qimannagu Nuummi ilinniartitaanerit pivirusunngorsinnaasimavoq pikkorissarnermi modulinit tallimaasunut Kommunalbestyrelsen

aningaasaliissuteqarneratigut, ilinniartunut taakkununga modulit arfinilissaat PI/SPS-imit ingerlanneqarpoq, pikkorissartitsinerit ulluunerani neqeroorummi ikiortitit sulisarnissamut inaarutaalluni.

Ulluunerani neqeroorutitut immikkoortortamit 2024-mi sulisut ilinniarsimasut piginnaasatigut qaffassaaviginissaat ukkatarineqassaaq.

Ulluunerani neqeroorutini sulisunut atorfirmut inissanik tunniussisarnermik pingaarnersiineq 2020-mi allaffissornikkut aalajangiineq tunngavigalugu ulluunerani neqeroorutini sulisunut atorfirmut inissanik tunniussisarnermi sulisut ilinniarsimasut pingaarnertinneqassapput, soorlu perorsaasut isumaginninnermilu ikiortit. Ingerlatsiviup suliniummik naliliineq tunngavigalugu, suliniut perorsaanermit sulisunik sulilersitsiniarnikkut attassiniarnikkullu sunnuteqarsimasoq takusinnaavaa. Iliuserisaq sulisussarsiornermut sulisunillu attassiinnarnissamut pitsaasumik sunnuteqaraluartoq suli inissiat sulisunut amigaataapput, taamaattumik ingerlatsivimmit sulisunut inissiat amigaatigineqartut pisariaqartinneqartullu tunniunneqarsinnaasimangillat.

Saggumilaarneruneg pitsaanagerusumillu paasissutissiineq

Ingerlatsiviup nittarsaassinikkut sulisussarsiorlunilu paasititsiniaanikkut kiisalu suliffiit pillugit nittarsaassinikkut, ilinniakkanik naammassinnittoqarnerani kiisalu internetikkut attaveqatigiittarfitsigut peqataanikkut saqquminerulernissaq pingaartippaa. Tamatumuuna aamma ingerlatsivik kommunip nittartagaani ulluunerani neqeroorutitut nassuiaammik nutarterivoq. Taamatuttaaq ulluunerani neqeroorutitut atorfinnik inuttaqanngitsunik inuttassarsiuussinerit pitsaanerulernissaat sulissutigineqarpoq. Tamakku saniatigut "Tikilluaqqusineq pitsaasoq", suliffimmut ilisarititsineq perorsaanikkullu paasissutissiineq, aqutsisunik sulisunillu atorfinitsitsinermit ataqatigiissaarineq pitsaanagerusooq qulakkeerniarlugu sulissutigineqarpoq.

Sulliffimmi sungiusartut

Ingerlatsiviup Kommuneqarfik Sermersuumi ulluunerani neqeroorutit, Ilulissani PI/SPS-imi ilinniartunut sulliffimmi misiliiffissatut orniginarnerulersinnissaat ingerlaavartumik sulissutigaa.

Flyverpædagogik

2021-2022-p ingerlanerani kommunimi meeqqerivinni marlunni suliniummik misiligutaasumik flyverpædagogimik aqqissuussinermik ingerlatsisoqarpoq. Flyverpædagogik perorsaasuvoq sulisut amerlassusilersugaanerisa saniatigut piffissaq ilaannakortumik atorfilik. Flyverpædagogip atuuffiisa ilaat tassaavoq ilaatigut perorsaanikkut sammisassat ingerlanneqarneranni tapertaanissaq attassinissarlu. Atorfik taanna misiligutitut pitsaasumik nalilernerqarmat ingerlatsivik ataavartumik 2023-mi aqqiisummut aningaasaliiffigineqarpoq. Flyverpædagoginik sulisussarsiornermik allagarsiisoqaraluartoq suli maannamut atorfinitsitsisoqanngilaq. Tamanna pissuteqarsinnaavoq piffissap ilaannaani suliffeqarneq aningaasaqarnikkut perorsaasutut ilinniagalimmut pilerinartuunngitsooq. Piffissami matumani flyverpædagoginik atorfinitsitsiniarluni pimoorussisoqarpoq.

Sulliffimmi avatangiisit aamma napparsimalluni sulinngitsoortarneq pillugu suliniut

Paasissutissanik aamma meeqqerivinni sulisut akornanni napparsimalluni sulinngitsoortarnerup takussutissartaanik pilersitsinissaq sulissutigineqarpoq. Taamatut iliortoqarpoq sullivimmi avatangiisit napparsimallunilu sulinngitsoortarnernut atatillugu suliniuteqarnissaq anguniarlugu. Ulluunerani neqeroorutitut immikkoortortaq piffissami matumani meeqqerivinni tamani napparsimalluni sulinngitsoortarneq pillugu skiimanik atuutilersitsiniaavoq, qaammatikkaartumik napparsimalluni sulinngitsoortarnerit nalunaarutigineqartarnissaat qulakkeerumallugu.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-imeersoq

Ilanngussat

Soqanngilaq.

Punkt 2: Meeqquerivinni utaqquisut pillugit ilisimatitsissut 2023-mi kvartalit pingajuat

Beslutning

Ilisimatitsissut tusaatissatut tiguneqarpoq.

Meeqqerivinni utaqqisut pillugit ilisimatitsissut 2023-mi kvartalit pingajuat

Ilisimatitsissut

SagsID.: EMN-2023-03645

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Atuarfeqarnermullu Ataatsimiititamat inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqinneqassasoq

Suliamik saqqummiineq

Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersumi § 8, imm. 3 naapertorlugu qinnuteqartut tamarmik kommunimi meeqqerivinni aamma angerlarsimaffimmi paarsisartuni inissaqanngippata kommunalbestyrelsip utaqqisut allattorsimaffiannik pilersitsinissaq pisussaaffigaa. Utaqqisut allattorsimaffii aamma kommunip atuareersunut paaqqinniffiini atuupput.

Takussutissiaq 1-imi ataaniittumi takuneqarsinnaavoq Kommuneqarfik Sermersuumi oktobarip ulluisa sisamaanni 2023-mi ulluunerani neqeroorutinit utaqqisut allattorsimaffiat. Kisitsisit inaarutaasuupput, imaappoq meeqqat ukiui naapertorlugit ulluunerani neqeroorutiniinnissamik neqerooruteqarfigineqartut. Siusinnerusukkat kisitsisini takuneqarsinnaasarpud meeqqat tamarmik ukiui apeqqutaatinngit utaqqisut allattorsimaffiiniittut, meeqqat allattorsimaffimmut allatsissimasut ilanngullugit, kisiali ukiumikkut aallartinnissamat suli piariingitsut. Taamaattumik utaqqisut allattorsimaffianni kisitsisit eqqornerusunut pissarsiariniaraanni, ingerlatsiviup siunissami ukiumoortumik ilisimatitsissutini kisitsit inaarutaasoq aallaavigisalissavaa.

Takussutissiaq Kommuneqarfik Sermersuumi ulluunerani neqeroorutinit 1: utaqqisut allattorsimaffii Ulloq: 4 oktobari 2023

Sumiiffik	Meeraaq erivik	Meeqq erivik	A K O	FR O	Atuareernerup kingorna ornittagaq	Angerlarsimaffimmi paaqqinnittoqarneq/ Nunaqarfinni neqeroorutit	Angerlarsim affimmi paaqqinnitta rneq	Katill ugit
Nuuk	49	14	37	27			0	127
Paamiut	0	0			0			0
Tasiilaq	1	1			0			2
Ittoqqorto rmiit	0	0			0			0
Kapisillit					0	0		0
Qeqertarsu atsiaat					0	0		0
Arsuk						0		0

Kulusuk						3		3
Tiilerilaaq						2		2
Kuummiit						6		6
Sermiligaaq						3		3
Isertoq						0		0
Katillugit	50	15	37	27	0	14	0	143

Boksip qasertup neqeroorutip sumiiffimmi pineqartumi neqeroorutaannginnera takutipppaa.

Takussutissiami takuneqarsinnaavoq meeqqat 143-t utaqquisut allattorsimaffianniittut, amerlanersaallu 127-t Nuummiittut. Tassa utaqquisut allattorsimaffianni meeqqat allatsissimasut tamarmik 88%-iisa amerlaqataat.

Aamma takuneqarsinnaavoq kommunimi meeqqat utaqquisut allattorsimaffiannut allatsissimasut tassaasut meeraaqqerivinnut allatsissimasut. Utqqisut allattorsimaffianni meeqqanit 143-nit 50-it meeraaqqerivimmu utaqquisuupput.

Taava aamma takuneqarsinnaavoq, Nuummi meeqqat 37-t aamma 27-t AKO-nut aammalu FRO-nut utaqquisuniittut.

Meeqqat AKO-nut utaqquisut allattorsimaffianniittut amerlassusaat peqquteqarput pingaartumik, AKO-t tamarmik ataasiakkaarlutik Nuummi atuarfinnut assigiinngitsunut attuumassuteqarmata. Imaappoq, AKO-mi inissaqanngippat, meeqqap atuarfianut attuumassuteqartumi, taava meeraq AKO-mut allamut nuutinneqarsinnaanngilaq, kisialli utaqquisut allattorsimaffiannut inissinneqassalluni, meeqqap atuarfianut attuumassuteqartumut AKO-mi inissaqalersarluni tungaanut.

FRO-mut utaqquisut allattorsimaffeqarnerannut peqqutaavoq pingaarnertut 2022-mi aalajangerneqarmat Fritidshjemmet Aqqaluk matuneqassasoq tassunga atatillugu inissanik nutaanik arfineq pingasunik immikkut ittunik pisariaqartitsisunut pilersitsisoqarnissaa eqqarsaatigalugu. Tamatuma kingunerisaanik fritidshjemmet Aqqaluk meeqqanut inissaatai 70-iniit 40-nut ikilineqarput, imaappoq FRO-mi inissanik 30-nik, AKO/FRO-mi inissanik arfineq pingasunik taarserneqartunik. Kisianni misilittakkat tassaapput, FRO-mi inissat ukiariartorerani nalimatsereertarput, taamaasilluni ukiup atuarfusup sinnerani FRO-mi inissaqalersarluni Nuummi FRO-ni marluusuni.

Ataatsimut isigalugu utaqquisut tamaasa eqqarsaatigalugit utaqquisut allattorsimaffiinnut tunngatillugu, ingerlatsiviup siullermik erseqqissaatigissavaa, utaqquisut allattorsimaffiini allatsissimasut amerlassusaat ukiumiit ukiumut aammalu ukiup qanoq ilineraniit ukiup qanoq ilineranut allanngorarsinnaasarmata. Ataatsimut isigalugu imaappoq, Nuummi utaqquisut allattorsimaffii septembarimiit meeqqat atualinnginnerminni AKO-nut nuukkiartorerat ilanngullugu ukiup tulliani amerlanerusarput.

Tamatuma saniatigut Meeqqanut Atuarfeqarnermullu Ingerlatsiviup pissutsit assigiinngitsut, Nuummi pingaartumik meeraaqqerivinnut utaqquisunut allattorsimaffiup sooq taamatut isikkoqarnera pillugu, nassuiaataasinnaasut taasinnaavai. Tamanna ilaatigut innuttaasut illoqarfinniit, nunaqarfinniit kommuniniit imaluunniit nunanit allaniit Nuummut nuuttarnerannik kiisalu



ilinniareerlutik Nuummut uteqqittarnerannik pissuteqarsinnaasoq. Tamatuma saniatigut aamma illoqarfimmut nutserneq utaqqisut allattorsimaffiannik annertusaaqataavoq.

Utaqqisut allattorsimaffii pillugit aamma alla pissutaasoq tassaavoq utaqqisut allattorsimaffii amerlavallaartunik utaqqisuuteqarnerannik arlalitsigut ajornartorsiuteqalersinnaanerat. Tamanna pisarpoq, meeraaqqerivimmi meeraq ataaseq arlallilluunniit, meeqqerivimmut nuunnissamut piareersimasut, kisiannili meeqqerivimmi meeraaqqerivimmiittuutitut akiliunneqarluni inissanik peqanngitsillugu. Assersuutigalugu meeqqat meeraaqqerivimmiittut meeqqerivimmi inissaqalernissaasa tungaanut meeraaqqerivinnut utaqqisut allattorsimaffianniitsinneqartarput allattorsimaffinneereersut inissaannik tigusillutik.

Meeqqanut Atuarfeqarnermullu Ingerlatsiviup utaqqisut allattorsimaffii qaammatikkaartumik malinnaaffigisarpai, utaqqisullu allattorsimaffiini allatsissimasut ikilisartuarnissaat ataavartumik sulissutigisarlugu, pingaartumik Nuummi meeraaqqerivinni inissanut ulluunerani neqeroorutitut tunngasortaa. Tassunga ilanngullugu aamma Nuummi utaqqisunut allattorsimaffimmiittut ikileriaateqarnissaat Ingerlatsiviup naatsorsuutigivaa, Nuummi atuarfiup nutaap eqqaani nutaamik ulluunerani paaqqinnittarfiup ammarneqarneratigut. Meeqqerivik nutaaq aallaqqaataani ataatsimut isigalugu meeraaqqerivimmi ininut sisamanut (inissat 48-t) aamma meeqqerivimmi ininut marlunnet (inissat 40-t) inissaqassaaq, meeqqeriviit initai pingasunngussapput meeraaqqeriviillu initai aamma pingasunngussallutik.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-imeersoq

Ilanngussat

Soqanngilaq

Punkt 3: Kangillinnguit Atuarfianni nakkutilliinermi nalunaarusiaq

Beslutning

Ilisimatitsissut tusaatissatut tiguneqarpoq.

Bilag

Kangillinnguit Atuarfianni nakkutilliinermi nalunaarusiaq



Kangillinnguit Atuarfianni nakkutilliinermi nalunaarusiaq

Ilisimatitsissut

SagsID.: EMN-2023-01398

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqinneqassasoq

Suliamik saqqummiineq

Atuarfik pillugu Inatsisartut inatsisaat nr. 15, 3. decembari 2012-imeersoq § 43 naapertorlugu Kommunalbestyrelse ataavartumik atuarfiit ingerlanneqarnerannik nakkutilliisussaataavoq. Meeqqanut Atuarfeqarnermullu Ingerlatsivimmi Atuarfeqarnermut immikkoortortap kommunip atuarfiini ukiumut ataasiarluni nakkutilliartortarnissaq siunniunnikuuaa. Ulloq 20. februaari 2023 Atuarfeqarnermut Immikkoortortaq Kangillinnguit Atuarfiannut Nuummiittumut siumut ilimasaareqqaarluni nakkutilliartorpoq.

Nakkutilliineq tunngavigalugu sulisutut naliliineq tamaat isigalugu atuarfik ingerlalluartuuvoq atuarfimmi aqutsisut peqataatitsuullutillu ersarissuupput, tamannalu atuartut atugarissaarnerannut toqqissisimanerannullu pitsaasumik sunniuteqarpoq. Atuarfimmi sulisut piginnaasaqarluartuupput, taamaalillutik atuarfimmi atuagarsornikkut angusat misilitsinnermilu inernerit pitsaasuullutik.

Nakkutilliinermi nalunaarusiamiit immikkoortut pingaarnerit ilaat tullinnguuttuni allaqqapput.

Atuartitsissutini angusat

Nuna tamakkerlugu agguaqatigiisillugu inissisimanermit sanilliukkaanni 3. klassit alloriarfimmi misilitsinnerannit atuagarsornikkut angusaat akunnattumiipput, 7. klassillu angusaat qaffasinnerullutik. Taamaattoq 3. klassini alloriarfimmi misilitsinnermit angusat appariartorput, kinguneranillu atuarfimmi aqutsisuniit pitsanngoriartitsinissamik suliniutit arlallit aallartisarniarneqalerput. Matumani oqaatsinik pinnguarnermi sammisat naqinnerillu nipaatt ilusaallu ukkataralugit suliarineqarput. Tamatuma saniatigut matematikkimik atuartitsineq ukkatarineqarpoq, tassanilu atuarfimmi pitsaassutsimik ineriartortitsinermut matematikkimut akisussaaffiup iluani immikkut ingerlariaqqiffiusumik ilinniagaqartumik pitsaassutsimik ineriartortitsisoq suliaqartinneqarluni. Atuarfiup aqutsisui alloriarfiit pillugit ataatsimiinnernut, atuartitsinernut ataavartumik peqataasarput kiisalu ukiumut ilikkagassatut pilersaarutini ilikkakkat uuttortarneri, ukiup ingerlanerani pilersaarutit kiisalu sap. ak. pilersaarutit misissugarisarlugit.

Nalunaaquttap akunnerinik atuineq

Atuarfimmi ukioq atuarfiusumi 2022/2023-mi nalunaaquttap akunnerinik atuinissamat pilersaarutaasut meeqqat atuarfianni ikinnerpaamik atoqqusaasunut sanilliullugit klassini tamani qaangerneqarsimavoq. Ilinniartitsisut atuartitsinissamat akunnernik atuinissaannik agguataarinermi atuartitsinermut agguataarinissamat tunngavigineqartoq atorneqartarpoq, ilaatigut tassani ilinniartitsisut ataasiakkaat linjefagii, misilittagaat, piginnaasaat aamma atuartitsisarsimanerannit nalilersuinnermit inernerit aallaavigineqarlutik. Nakkutilliinerup nalaani atuarfimmi aqutsisuniit oqaatigineqartoq tassaavoq, ukiup atuarfiusup tullianut atuartitsissutissat pilersaarusiornissaannut



skiimaliortartussamik immikkut pisariaqartitsisoqartoq. Atuarfeqarnermut immikkoortortamit nakkutilliineq tunngavigalugu malinnaavigineqarpoq atuartitsinermut piffissarititaasut tunniunneqartoq malinneqarneris, ilaatigut tassani ukiup atuarfiusup 2022/2023-p ilinniartitsisutigut pisariaqartitsinerani misissueqqissaarinnermit atuarfimmu agguaarneqarsimasut tunngavigalugit.

Atuartut naliliiffigineqarneri

Atuartut atuartitsinermit atugarissaartitaanermillu pissarsiaasa ingerlaavartumik tamakkiinerusumillu naliliiffiginerisa akornanni atuarfimmi ataqatigiissumik ingerlanneqartarpoq. Ukiumi atuarfiusumi 2022/2023-mi atuartut pissarsiaasa atugarissaarnerisalu naliliiffigineqarneri ilaatigut atuarfimmi sulisut angajoqqaallu akornanni oqaloqatigiinnissaannut tunngaviliisoq ukiumut marloriarlugit ingerlanneqarput. Atuartut ilikkalernissaannut, atugarisornikkut inuttullu ineriartornerannut angajoqqaat ilinniartitsisullu peqatigalugit iliuusissatut pilersaarusiortoqartarpoq. Atuartut qaammatinik marlunnik akunneqartumik naliliiffigineqartarput taakkulu angusaat Angusakkamik taaneqartut TEA Tabuleximut toqqortorneqartarput. Taamaattoq Atuarfeqarnermut immikkoortortamii maluginiarneqarpoq atuartut Angusakkamik ingerlataanni ilassutitut oqaaseqaateqarfigineqartut amerlanngitsut, assersuutigalugu atuartup atuarfimmi sulisarnera kiisalu inuttut inooqataanikkullu ineriartornera allaaserineqarlutik, taamaattumik innersuussutigineqarpoq atuartut Angusakka-isa pitsaassusaat annertusarniarlugit misissuisoqassasoq.

Atuartut atuangitsoortarnerat

Nakkutilliinerup nalaani atuartut unioqqutitsinatik peqanngittarnerat 4,89 %-imiippoq unioqqutitsillutillu atuangitsoortarnerat 1,74 %-imiilluni, tassa ullut atuarfiusut 123-t iluini. Tamaat isigalugu immikkut ittumik atuartitat angajulliillu akornanni atuangitsoortarnerat amerlanerpaapput. Atuangitsoortarnerit sivisuut uteqqiattulluunniit pillugit klasselærerip iliuuseqarfigissallugit aamma atuartup, angajoqqaat/angajoqqaatut akisuussaasut ilinniartitsisoqatigiillu akornanni ataqatigiissaarinissaq akisussaaffigaa. Immikkut ittumik pisoqartillugu atuarfimmi aqutsisut akulerutsinneqarsinnaapput. Atuarfimmi atuartut atuangitsoortarnerat pillugu ullup affaani perorsaanermut tunngasumik ingerlatsisoqarpoq.

Ilinniartitsisut sulinngittarnerat

Ilinniartitsisut sulinngitsoortarnerat 13,2 %-imiippoq tamannalu Atuarfeqarnermut immikkoortortamit ernummatigineqarpoq. Sulinngitsoornerpassuit ataasiakkaanik sivisuumik napparsimasarnermik peqquteqarsinnaagaluartut napparsimalluni sulinngitsoortarnerit amerlammata Atuarfeqarnermut immikkoortortamii innersuussutigineqarpoq ilinniartitsisut sulinngitsoortarnerat appartinniarneqassasoq.

Atuartut siunnersuisoqatigiivi

Atuarfik elevrådeqarpoq elevrådillu ilinniartitsisumik attaveqaateqarput ataatsimiittarnissaannut pilersaarutininik sammisassanullu akisussaasumik. Klassit tamarmik elevrådimi aallartitaqarput qaammammullu ataasiarlutik ataatsimiittarput.

Inissatigut atugassarititaasut

2022-mi novembarip qaammataata aallartinnerani atuarfimmi klassit ilaanni ikuallattoqarpoq. Tamatuma kingunerisaanik atuarfimmi inip iluarsartuunneqarnera pissutaalluni inissanik amigaateqartoqalerpoq. Klassit arlallit 26-nik atuartoqarput klassillu taamaalillutik angissusaat klassip ilua silaannarilluassappat pissusissamisoortatik. Taamaattumik Atuarfeqarnermut immikkoortortamii innersuussutigineqarpoq klassit atuartunut 26-nut inissaqassusaat annertusarniarlugit periarfissat misissorneqarnissaat pissasoq.

Allat



10. klassimi atuartut ilaat 10. klassimi atuareernerup kingorna ilinniakkamik aallartittanngikkunik suliffeqalersarput, taakkulu 90 %-it sinnilaarlugit amerlatigipput. Atuartut amerlanerpaat 10. klassip kingornatigut ilinnialertartut Danmarkimi efterskolimi aallartittarput (38,5%) GUX-imilu (23%).

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq

Ilanngussat

1. Kangillinnguit Atuarfianni nakkutilliinermi nalunaarusiaq

Punkt 4: Sunngiffimmi atuartitsineq 2023-2024

Beslutning

Ilisimatitsissut tusaatissatut tiguneqarpoq.

Bilag

Sunngiffimmi atuartitsinerit takussutissaat



Sunnigiffimmi atuartitsineq 2023-2024

Ilisimatitsissut

SagsID: EMN-2023-03975

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatiga:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut Kommunalbestyrelsimullu ilisimatitsissutitut ingerlateqqinneqassasoq

Suliassamik saqqummiussineq

Kulturikkut ingerlatsineq sunngiffimmiu sammisaqartitsineq pillugit Inatsisartut peqqussutaat naapertorlugu Meeqqanut Atuarfeqarnermullu ingerlatsiviup matumuuna saqqummiuppa, kommune tamakkerlugu meeqqanut inersimasunullu sunngiffimmi atuartitsinermit pilersaarut pillugu ilisimatitsissut.

Meeqqanut inersimasunullu sunngiffimmi atuartitsinerit septembarip ulluisa 11-iani 2023-mi aallartinneqarput, ingerlanneqassallutillu 2024-mi martsip naanissaata tungaanut.

Neqeroorutit tamarmik speedadmin-imut, online-ikut nalunaarfissaasumut ikineqarput. Kommuneqarfik Sermersuup nittartagaani linki atorlugu speedadmin-mut isertoqarsinnaavoq, tassanilu fagit neqeroorutaasut takuneqarsinnaapput, nalunaarnissamullu linkeqarluni.

Ilanngussani quleqqat ilanngunneqarsimasunut innersuussilluni oqaatigineqarsinnaavoq, makkunani neqerooruteqartoqartoq:

- Paamiut meeqqanut inersimasunullu holdinik ukioq nutaaq aallartippat aallartittoqassaaq, ukioq manna aningaasat atugassiissutaasut atoreermata
- Ittoqqortoormiit meeqqanut holdit sisamat
- Nuuk meeqqanut holdit 19 - inersimasunut holdit 7
- Tasiilaq meeqqanut holdit 3
- Sermiligaaq meeqqanut holdi ataaseq
- Tiilerilaaq meeqqanut holdi ataaseq

Susasaqartitsinermit immikkoortortap ataavartumik inoqarfinni tamani holdiliortoqarsinnaanersoq misissortarpaa. Atuartitsissarsiorarneq ilungersunartuusarpoq, minnerunngitsumik inoqarfinni mikinerusuni. Holdit aallartittussat suli ilaqarput, taakkulu suli inissivinnatik.

Nuummi holdit linkimi takuneqarsinnaapput:

<https://glsermersooq.speedadmin.dk/registration#/courselist/140>

Ingerlatsivimmit aningaasatigut sulisoqarnikkullu naliliinerit

Sunnigiffimmi atuartitsisarnerit immikkut kontoqarput konto siunertaq (formål) 0801010000 Sunngiffimmi atuartitsineq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppernarsaatillit

- Kulturikkut ingerlatsineq sunngiffimmilu sammisaqartitsineq pillugit Inatsisartut peqqussutaat nr 5, 6 maj 2016-imeersoq.

Ilannussat

1. Sunngiffimmi atuartitsinerit takussutissaat

Punkt 5: Paamiuni meeqqerivimmi sulisunik piginnaanngorsaqqiineq pillugu siunnersuut

Beslutning

Siunnersuut taama isikkoqartillugu itigartitsissutigineqarpoq, kisianni missingersuutissatut isumaqatiginninniarnernut ilanngunneqassaaq.

Paamiuni meeqqerivimmi sulisunik piginnaangorsaqqiineq pillugu siunnersuut

Ataatsimiititami ilaasortap Dorthe-Marie Mogensen-Fontainip (S) Meeqqanut Atuarfeqarnermullu Ataatsimiititamut siunnersuutaa

Aalajangiiffigisassaq
SagsID.: EMN-2023-03807

Inassuteqaat

Kommunalbestyrelsimut ilaasortap Dorthe-Marie Mogensen-Fontainip Meeqqanut Atuarfeqarnermullu Ataatsimiititamut inassuteqaatigaa:

- siunnersuut Ataatsimiititami oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

Suliassamik saqqummiussineq

Ataatsimiititami ilaasortap Dorthe-Marie Mogensen-Fontainip (S) septembarip 19-iani 2023 Meeqqanut Atuarfeqarnermullu Ataatsimiititami aalajangiiffigisassatut siunnersuummik nassiussivoq. Paamiuni meeqqerivimmi sulisunik piginnaangorsaqqiineq pillugu periarfissaq Meeqqanut Atuarfeqarnermullu Ataatsimiititap eqqartussagaa Dorthe-Marie Mogensen-Fontain (S) kissaateqarpoq.

Tunngavilersuut:

“Meeqquerivinni sulisut aalaakkaanissaat anguniarlugu inuusuttut ilinnialersimangitsut suli piginnaangorsaqqinnissaannut pikkorisarnissaannut pilersaarusiortoqarnissaa aammalu ingerlatsisoqarnissaa aalajangiiffigisassatut siunnersuutigaara. Uani sulisunik ataavartumik peqarnissaq aammalu meeqqerivimmi (børnehavn mike-mi) ilinniarsimasumik perorsaasumik peqannginnera toqqammavigalugu sulisunut piginnaangorsaanissaq inissaminiippoq. Taamatuttaaq meeraaqqerivimmi init matunerisigut nuunooqqat anginerillu ataatsimuulernerisa kingorna pikkorisaneq ingerlanneqarnissaa qanorlu perorsaanikkut ineriartuutaasut atorluarsinnaaneri aqutissiussinissamat periarfissaqarnissaat uani ilanngukkusuppara.”

Siunnersuut qanoq aningaasalerneqassava?

Meeqquerivinni marluusuni init marluk matuneqarneranit aningaasat atorneqanngitsunit.

Inatsisitigut tunngavissaq allakkallu tunngaviusumik uppersaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Sulianut aalajangiiffigisassatut siunnersuutinut ilanngunneqarsimasunut aamma tamanna atuuppoq



Ilanngussat
Soqanngilaq.

Punkt 6: Lukket

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14:31.